

爾雅正義

爾雅正義卷第十三

文淵閣校理翰林院編修加一級教習庶吉士充國史館纂修官邵晉涵撰集

釋水第十二

正義洪範五行一曰水水曰潤下白虎通義五行篇水位在北方北方者

陰氣在黃泉之下任養萬物水之言準也養物平均有準則也說文云水準也北方之行象眾水竝流中有微陽之氣也釋名云水準也準平物也此篇所釋始於原泉見水之有本也泉之所出或正或仄或從上下審測地勢俱可得泉故管子云水者地之血氣如筋脉之通流者也文選註引春秋元命包云水者五行始焉元氣之湊液也泉之所會為川周語云川氣之導也澤水之鍾也天地成而聚于高歸物于下疏為川谷以導其氣故谿谷溝澮轉相灌注也通川回川或決而復入或歸異出同孫子云水因地而制形又云水無常行故因其形而別其名也

涉水則為揭為厲乘舟則湖泅游言濟水之用也水之大者為四瀆故乾鑿度云四瀆通情優游信潔後漢書註引河圖云天有四表以布精魄地有四瀆以出圖書也四瀆之大者莫若河故於河曲九河釋之較詳

泉一見一否為澱

澱澱纔有貌

正義說文云泉水原也澱瀆也原泉時出而不

舍其有時出有時涸者謂之澱言其汎漉纔有水也論衡是應篇引爾雅作一見一否曰澱今本作為澱所見本異也說文引爾雅與今本同

井一有水一無水為瀾

瀾瀾澆也原泉時出而不

無水即此類也

正義雜卦傳云井通也易釋文引周書云黃帝穿井世本云化益作井宋

衷云化益伯益也說文云井八家一井象構韓形。鑿之象也洑激水聲也釋名云井清也泉之清潔者

也井一有以一無水曰瀾洑瀾竭也洑有水聲洑洑也井以養人而不窮其時見時否者別釋其名焉為

瀾洑說文作謂之瀾洑註山海至類也正義中山

經云視山其上多韭有井焉名曰天井夏有水冬竭

是郭所据也釋山云夏有水冬無水舉此指停潦而言瀾洑之井亦復時有時無郭氏舉類以曉人也孫

子云地多陷曲名曰天井此言行瀾洑之泉也

軍險地與郭氏所引山海經義殊

濫泉正出正出涌出也註公羊傳曰直出直猶正也沃

泉縣出縣出下出也註從上霑下沈泉穴出穴出仄

出也註從旁出也正義論衡云泉出之異輒有異名此分釋之也○濫泉至涌出也○

說文云濫濡上及下也詩曰畢沸濫泉今大雅桑柔

篇作威沸檻泉毛傳涌泉之源所由者深言泉之直

出者其勢超涌故說文云涌滕也滕水超涌也釋名云水正出曰濫泉濫銜也如人口有所銜口闔則見

爾雅正義 卷十三

也詩疏引李巡云水泉從下上出曰涌泉呂氏春秋
 本味篇高原之山其上有涌泉焉隋書地理志襄陵
 郡梁縣有濫泉蓋後人依爾雅以為名○沃泉至下
 出也○曹風云冽彼下泉毛傳泉下流也疏引李巡
 云水泉從上溜下出釋名云懸出曰沃泉水從上下
 有所灌溉沃也案說文云沃溉灌也高懸下溜之泉如
 相灌溉故謂之沃泉○沈泉至仄出也○小雅大東
 云有冽沈泉毛傳側出曰沈泉疏引李巡云水泉從
 傍出名曰沈沈側出釋名云側出曰沈泉沈軌也流
 狹而長如車軌也說文作屨仄出泉也又云沈水從
 孔穴疾出也彙側出泉也是側出之泉又名彙也
 公羊至正也○**正義**昭五年傳云瀆泉者何直泉也
 直泉者何涌泉也徐彥疏謂此泉直上而出郭意以
 直訓為正直上之瀆泉即濫泉也釋名亦云水上出
 曰涌泉瀆泉並是也

涑闕流川

註

通流過辨回川

註

旋流

正義

考工記云兩山之間必有川焉

管子度地篇水之出於他水溝流于大水及海者命曰川水說文云川貫穿通流水也虞書曰濬川以距川言深々々之水會為川也釋名云川穿也穿地而流也深闢說文作浚辟深水處也玉篇作浚闢通泉川之回旋者名過辨說文云浚回泉也

澮反入註

即河水決出而復入者河之有澮猶江之有

汜正義水之反入者名澮水經註云反入謂河決復入者也河之有澮猶漢之有潛也元和郡縣志云

澮湖在巴陵縣南一十里爾雅曰河水決出復入者為澮左傳定公四年吳人敗楚於雍澮五戰入郢即

此是也是反入之水俱為澮也註即河至有汜正義

義下文云決復入為汜郭以江之有汜證河之有澮明反入即為復入也釋名云水從河出曰澮

雍沛言在河岸限內時見壅出則沛然也

渾沙出註

今河中呼水中沙堆為渾正義水中積沙

云沙水散石也从水从少水少沙見燕肅云潭海中沙也商賈或泛海取捷謂之登潭註今河至為潭。

正義元和郡縣志河南府河陽縣中潭城東魏孝靜帝元象元年築玉篇云江南人呼水中沙堆為潭類

篇云江東呼水中沙堆為潭今河陽縣南有潭城

汧出不流註

水泉潛出便自停成汚池

正義水出泉而不達於通川者

為汧與水決之澤入於渭者同名而異實列子黃帝篇汧水之潘為淵管子度地篇水出地而不流者命

曰淵水書釋文引馬融云泉出而不流者謂之潛即其類也註水泉至汚池。**正義**郭以汧池之水俱有

泉原而不達於通川故舉類以曉人也說文云小池為汧楊倞荀子註汧停水之處

歸異出同流肥註

毛詩傳曰所出同所歸異為肥

正義水經

註引鍵為舍人云水異出流行合同曰肥案水經註馬溝水出朝歌城北東流南屈逕其城東又東流與

美溝合美溝水出朝歌西北大嶺下東流逕駱駝谷
東逕朝歌城北又東南流注馬溝水又東南注淇水
為肥泉也酈道元以所出異所歸同為肥義本舍人
與郭氏殊釋名云所出同所歸異曰肥泉本同出時
所浸潤少所歸各枝散而多似肥者也與郭意同
毛詩至為肥。正義邨風泉水云我思肥泉毛傳所
出同所歸異為肥泉郭引毛傳省泉
字水經註引爾雅作歸異出同曰肥

漢大出尾下

註今河東汾陰縣有水口如車輪許瀆沸

涌出其深無限名之為漢馮翊郃陽縣復有漢亦如
之相去數里而夾河河中階上又有一漢漢原皆潛
相通在汾陰者人壅其流以為陂種稻呼其本所出
處為漢魁此是也尾猶底也。正義說文云漢水浸也
列子湯問篇壺領之山

有水湧出名曰神漢一源分爲四張湛註山頂之泉
曰漢是水之出流盛大而底原深下者謂之漢註今
河至是也。**正義**水經註云漢水出汾陰縣南四十
里西去河三里平地開源噴泉上涌大幾如輪深則
不測俗呼爲漢魁古人壅其流以爲陂水種稻東西
二百步南北百餘步與郃陽漢水夾河河中渚上又
有一漢水皆相潛通故呂忱曰爾雅異出同流爲漢
水其水西北流歷蒲阪西流注於河又云郃陽城
北有漢水南去二水各數里其水東逕其城內東入
於河又於城內側中有漢水東南出城注於河城南
又有漢水東流注於河元和郡縣志云中漢水蒲池
漢水與南漢水並在舊河西縣南五里今郃陽界內
太平寰宇記云蒲州臨晉縣漢水出縣西三十八里
案呂忱所引爾雅與今本殊水之出同歸異者爲肥
異出同流者爲漢蓋古義也漢河東郡汾陰縣劉昭
注補續漢志引郭註爲證晉因漢制監本晉書地理
志作河東郡汾陽縣疑傳寫之訛今爲蒲州府榮河
縣漢左馮翊郡郃陽縣晉爲馮翊郡郃陽縣今爲同州

府郃陽縣監本作名之曰漢呼其本所出處無所字今從宋本

水醮曰曆

註

謂水醮盡

正義

說文云醮盡也沈水厓枯土也爾雅曰水醮曰沈厓厓出

泉也案說文所引沈厓二字與今本爾雅彼此互易玉篇云厓水盡也厓出曰沈泉與今本同

水自河出為澗

註

書曰澗沮會同濟為澆汶為澗洛為

波漢為潛

註

書曰沱潛既道淮為澣江為沱

岷山導江東別為沱過為洵潁為沙汝為瀆

遵彼汝瀆皆大水溢出別為小水之名

正義

此釋大水溢出別為

小水之名也河濟淮江詳見下文四瀆汝入於涉洛

入於河漢入於江過潁汝入於淮皆發原注四瀆者也其洑出者又別為小水。水自河出為澗。上文云澗反入此又言水之自河溢出者亦名澗也水經

註河水北與枝津合水受大河東北逕富平城所在
 分裂以溉田圃北流入河之有灘若漢之有潛也
 漢書鄒陽傳申徒狄蹈雍之河顏師古註雍者河水
 溢出為小流也是水之自河別者俱得名灘矣說文
 云河灘水在宋又云汭水受陳留浚儀陰溝至蒙為
 灘水東入于泗案說文所云汭水至蒙為灘水者水
 經所謂獲水也蒙為宋地故云汭水在宋水經又云東過
 熒陽縣北浪蕩渠出焉註云河水又東逕卷縣北晉
 楚之戰晉軍爭濟舟中之指可掬楚莊祀河告成而
 還即是處也淮南人間訓楚莊王勝晉於河雍之間
 是浪蕩渠初出即稱為灘也水經又云瓠子河出東
 郡濮陽縣北河註云縣北十里即瓠河口也爾雅曰
 水自河出為灘是鄆道元以瓠子河為灘也洪河下
 注因勢曲蟠溢為小水所在多有後人沿爾雅之文
 凡自河出之水多名灘焉。濟為濳。水經註云汜
 水西分濟瀆東北逕濟陰郡南爾雅曰濟別為濳呂
 忱曰水決復入為汜廣異名也是鄆氏以汜水為濳
 水也。汶為瀾。釋文引李巡云瀾溢也漢書地理

志泰山郡萊蕪縣禹貢汶水出西南入泲水經與漢志同酈道元云洙水又南洙水注之呂忱曰洙水出東平陽上承汶水於剛縣西闡亭東爾雅曰汶別爲闡其猶洛之有波矣是洙水卽闡水也註又引應劭曰春秋經書齊人取謹及闡今闡亭是也杜預春秋釋地曰闡在剛縣北闡當作闡○洛爲波○漢書地理志宏農郡上雒縣禹貢雒水出冢頂山東北流至鞏入河水經云洛水出京兆上洛縣謹舉山註云洛水又東門水出焉爾雅所謂洛別爲波也又云門水卽洛水之支流者也洛水自上下洛縣東北於拒陽城之西北分爲二水枝渠東北出爲門水也是門水卽波水也○漢爲潛○荀子註引李巡云漢水溢流爲潛禹貢云嶧冢導漾東流爲漢漢書地理志隴西郡氏道縣禹貢漾水所出至武都爲漢又云武都郡武都縣東漢水受氏道水一名沔過江夏謂之夏水入江書疏引郭氏音義云有水從漢中沔陽縣南流至梓潼漢壽入大穴中通岡山下西南潛出一名沔水一舊俗云卽禹貢潛也史記正義引括地志云潛水一

名復水今名龍門水源出利州綿谷縣東龍門山大
 石穴下元和郡縣志緜谷縣潛水出縣東北龍門山
 書曰沱潛既道是也龍門山在縣東北八十二里太
 平寰宇記引梁州記蔥嶺山有石穴高數十丈其狀
 如門號為龍門今四川保寧府廣元縣北龍門山潛
 水自此入穴通山伏流重出屈曲流至巴縣入大江
 卽郭氏音義所云潛水也漢書地理志巴郡宕渠縣
 潛水西南入江水經與漢志同酈道元云潛水蓋漢
 水枝分潛出故受其稱爾此別一潛水與郭氏義殊
 ○淮為濟。漢書地理志臨淮郡淮浦縣游水北入
 海水經註云淮水於縣枝分北為游水爾雅曰淮別
 為濟游水亦枝稱者也。江為沱。太平寰宇記引
 李巡云江水溢出為沱書疏引郭氏音義云沱水自
 蜀郡都安縣嶺山與江別更流漢書地理志蜀郡郫
 縣禹貢江沱在西東入大江卽郭氏所云沱水也後
 人謂之郫江今成都府灌縣東有都安故城。沱為
 洵。說文云過水受淮陽扶溝浪湯渠東入淮又云
 洵過水中也水經註云陰溝始亂蕩蕩終別於沙而

過水出焉灑水受沙水於扶溝縣爾雅曰灑為洵郭景純曰大水洪為小水也呂忱曰洵灑水也水經註

又云灑水東南逕城父縣故城北沙水枝分注之水

上承沙水於思善縣世謂之章水又云新溝東北注

渠即沙水也音蔡許慎正作沙音楚東有沙水謂此

水也沙水東南逕城父縣西南枝津出焉俗謂之章

水是酈道元以章水為洵水矣過漢地理志作渦○

潁為沙○漢書地理志潁川郡陽城縣潁水所出東

至下蔡入淮水經註臨潁縣潁水自縣西流注小潁

水出焉爾雅曰潁別為沙郭景純曰皆大水溢出別

為小水之名也亦猶江別為沱也是小潁水即沙水矣今謂之小潁水會合潁水於今臨潁縣小商橋下

○汝為潁○淮南地形訓汝出猛山水經云汝水出河南梁縣勉鄉西天息山註云汝水東南逕奇雒城

爾史記正義引括地志云汝水源自汝州魯山縣西

卷十三

七

伏牛山亦名猛山汝水至豫州鄆城縣一名瀆水爾雅曰河有灘汝有瀆亦汝之別名案今鄆城縣有大澗水即大灘水也流合於汝即鄆道元所謂瀆水矣括地志以瀆為汝之別名未聞其審說文引爾雅作汝為涓涓小流也註書曰灘沮會同○正義禹貢兗州雷夏既澤雍沮會同史記集解引鄭康成云雍水沮水相觸而合入此澤中地理志云雷澤在濟陰城陽縣西北張守節正義引括地志云雷澤在濮州雷澤縣郭外西北雍沮二水在雷澤西北平地也元和郡縣志云雷澤縣本漢郟陽縣灘水沮水二源俱出縣西北平地去縣十四里是禹貢沅州之灘水不自河出而郭氏引以證河出之灘未知何據司馬貞索隱引爾雅水自河出為雍以證禹貢灘沮與郭氏同○沱潛既道正義禹貢荆州云沱潛既道史記引作沱潛集解引鄭康成云水出江為沱漢為潛索隱云潛亦作潛潛出漢中安陽縣西北入漢梁州云沱潛既道水經註引鄭康成云漢別為潛其穴本小水積成澤流與漢合大禹自導漢疏通即為西漢水

也案漢書地理志安陽縣鬻谷水出西南北入漢索
隱据以爲說然鬻谷水尾入漢耳非自漢出也鄭氏
以西漢水爲潛與郭氏音義同水經註引劉澄之云
有水從阿陽縣南至梓潼漢壽入大穴暗通岡山亦
同郭義皆專指梁州之潛而言也○岷山至爲沱○
正義禹貢導水之文也水經云岷山在蜀郡氏道縣
大江所出漢書地理志云蜀郡江原縣鄴水首受江
南至武陽入江鄭氏以爲沱之類與郭氏所指今爲
郫江者義殊水經又云江水東至華容縣西夏水出
焉書疏引鄭註云今南郡枝江縣有沱其尾入江首
不於江出也華容有夏水首受江尾入沔蓋此所謂
沱也是鄭以夏水爲荆州之沱也○詩曰至汝濱○
正義周南文
毛傳濱作墳

水決之澤爲汧註水決入澤中者亦名爲汧決復入爲

汧註水出去復還正義此釋水決之名也說文云決

南雅正義 卷十三 八

出而反入者俱名爲汜後世有汜水汜水蓋依此名
 ○水決至爲汜○水經註云渭水東逕郁夷縣故城
 南汜水入焉水出汜縣之蒲谷鄉弦中谷決爲弦蒲
 數爾雅曰水決之澤爲汜汜之爲名實兼斯舉又云
 渭水東南出石門度小隴山逕南田縣南東與楚水
 合楚水又南流注於渭鬪駟以是水爲汜水焉按諸
 地志汜水出汜縣西北蓋以其津流逕通而更攝其
 通稱矣○決復入爲汜○召南云江有汜毛傳用爾
 雅說文云汜水別復入水也釋名云水決復入爲汜
 汜已也如出有所爲畢已而還入也淮南道應訓至
 於河上而航在一汜是汜之名不專指江水而言矣
註水決至爲汜○**正義**郭云亦名爲汜所以別於上
 文之汜出而不流者也
 古汜水今謂之汜陽河

河水清且瀾漪大波爲瀾 **註**言渙瀾小波爲淪 **註**言蘊

淪直波爲徑 **註**言徑涎 **正義**魏風伐檀云河水清且
 漣漪又云河水清且直倚又